



S. M. D. N. D. ALEXANDRI DIVINA PROVIDENTIA  
PAPÆ VII.

Innovatio Constitutionum, & Decretorum in favorem sententiæ afferentis, animam Beatæ Mariæ Virginis in sui creatione, & in corpus infusione à peccato originali præservatam fuisse, editorum.



## ALEXANDER PAPA VII. ad perpetuam rei memoriam.

Ollicitudo omnium Ecclesiæ, quam, licet meritis & vi-  
ribus longè impares, Dei Optimi Maximi volūtate, & pro-  
videntia gerimus, in id Nos anxiè tenet intentos, & vigi-  
lantes, ut scandala, que inter fideles pro humanæ naturæ  
corruptione & fragilitate necesse est ut veniant, quantum  
fieri potest paucissima exoriantur, utque exorta quæm ce-  
lerrimè, & quæm diligentissimè amoveantur: nam ijs per  
quos veniunt certam peccati perniciem, quibus vero præ-  
bentur presens afferunt labendi periculum; quorum Nos pro nostro pastoralis  
officij debito, & damnum summpere dolemus, & discriminæ assidue vrimur.  
Sanè, VETVS EST, Christi fidelium erga eius Beatissimam Matrem Virginem  
Mariam pietas, sentientium, eius animam IN PRIMO INSTANTI CREA-  
TIONIS, ATQVE INFUSIONIS IN CORPVS fuisse speciali Dei gratia  
& privilegio, intuitu meritorum Iesu Christi eius filij, humani generis Re-  
demptoris, à macula peccati originalis PRAESERVATAM IMMVNEM, at-  
que IN HOC SENSV eius Conceptionis festivitatē solemnī ritu colentiū,  
& celebrantium; crevitque horum numerus, atque huiusmodi cultus post edi-  
tas à fel. rec. Sixto PP. IV. prædecessore nostro in eius commendationem Apo-  
stolicas Constitutiones, quas sacrum Concilium Tridentinum innovavit, at-  
que observari mandavit. Aucta rursus, & propagata fuit pietas hæc, & cultus er-

ga Deiparam post erecta hoc nomine , approbantibus Romanis Pontificibus, religiosum Ordinem, & Confraternitatem , ac concessas ab iisdem indulgentias, ita ut accedentibus quoque plerisque celebrioribus Academijs ad hanc sententiam, iam ferè omnes Catholici eam complectantur. Et quia ex occasione contrariae assertionis in concionibus, electionibus, conclusionibus, & actibus publicis, quod nempè eadem Beatissima Virgo Maria fuerit concepta cum peccato originali, oriebantur in populo Christiano cum magna Dei offensa, scandala, iurgia, & dissensiones, rec. mem. Paulus PP. V. etiam prædecessor noster vetuit horum opinionem præfatae sententiae contrariam publicè doceri , aut prædicari. Quam prohibitionem piæ mem. Gregorius PP. XV. similiter prædecessor noster ad privata etiam colloquia extendit; mandans insuper in favorem eiusdem sententiae, vt in sacro sancto Missæ sacrificio, ac divino officio celebrandis tam publicè, quæ m private, non alio quam Conceptionis nomine vti quicunque debeat. Nihilominus, prout venerabiles fratres Episcopi ferè omnes Hispaniarum cum Ecclesiarum suarum Capitulis datis ad Nos litteris exposuerunt, accedente etiam insinuatione CHARISSIMI IN CHRISTO FILII NOSTRI PHILIPPI EARVNDEM HISPANIARVM REGIS Catholici, qui specialem super hoc misit ad Nos Oratorem VENERABILEM FRATREM LVIDOVICVM EPISCOPVM PLACENTINVM, per quem etiam delatae fuerunt ad Nos supplications Regnorum earundem Hispaniarum, pergit aliqui contrariae illius opinionis assertores contra præfatas prohibitions tum private, tum publicè præfata sententiam, aut impugnare , aut vellicare, & favorem à Romanis Pontificibus cultui , & festo secundum illam præstitum ita interpretari, vt frustrentur; imò Ecclesiam Romanam huic sententiae, & cultui iuxta illam Beatæ Virginis exhibito favere negant , pios Christi fidèles è sua pacifica quasi possessione deturbare conando; vnde offensiones, scandala, & iurgia, quibus obviare voluerunt Paulus V. & Gregorius XV. nostri prædecessores perdurant adhuc , & ex occasione eorumdem adversantium maiora his incommoda in posterum prudenter, & meritò timentur. Quapropter super his tam præfati Episcopi cum Ecclesiarum suarum Capitulis, quam memoratus Philippus Rex, eiusque Regna Nobis pro opportuno remedio instanter suppliari fecerunt. Nos considerantes quod Sancta Romana Ecclesia de intemperatæ, semperque Virginis Mariæ Conceptione festum solemniter celebrat, & speciale, ac proprium super hoc officium olim ordinavit iuxta piæ, deuotam, & laudabilem institutionem, que a Sixto IV. prædecessore nostro tunc emanavit; volemusque laudabili huic pietati , ET DEVOTIONI , ET FESTO , AC CVLTVI SECUNDVM ILLAM EXHIBITO in Ecclesia Romana post ipsius cultus institutionem NVMQVAM IMMVTATO , Romanorum Pontificum prædecessorum nostrorum exemplo favere, necnon tueri pietatem , & devotionem hanc colendi & celebrandi Beatissimam Virginem, PRÆVENIENTE SCILICET SPIRITVS SANCTI GRATIA , A PECCATO ORIGINALI PRÆSERVATAM, cupientesque in Christi grege unitatem spiritus in vinculo pacis, sedatis offensionibus, & iurgijs, amotisque scandalis, conservare: ad prafatorum Episcoporum cum Ecclesiarum suarum Capitulis, ac Philippi Regis, eiusque Regnorum oblatam Nobis instantiam, ac preces, Constitutiones, & Decreta à Romanis Pontificibus prædecessoribus nostris, & præcipue à Sixto IV. Paulo V. & Gregorio XV. edita in fauorem sententiae assertantis, animam Beatæ Mariæ Virginis IN SVI CREATIONE ET IN CORPVS INFUSIONE SPIRITVS SANCTI GRATIA DONATAM, ET A PECCATO ORIGINALI PRÆSERVATAM FVISSE, necnon & in favorem festi, & cultus Conceptionis eiusdem Virginis Deiparae SECUNDVM PIAM ISTAM SENTENTIAM, VT PRÆFERTVR , exhibiti , innovamus,

mus, & sub censuris, & poenis in eisdem Constitutionibus contentis observari mandamus. Et insuper omnes, & singulos, qui prefatas Constitutiones, seu Decreta ita pergent interpretari, ut favorem per illas DICTAE SENTENTIAE, ET FESTO, SEV CVLTVI SECUNDVM ILLAM EXHIBITO frustrentur, vel qui hanc eandem sententiam, festum, seu cultum in disputationem revocare, aut contra ea quoquo modo directe, vel indirecte, aut sub quovis praetextu, etiam definibilitatis eius examinande, sive sacram Scripturam, aut Sanctos Patres, sive Doctores glossandi, vel interpretandi, denique alio quovis praetextu, seu occasione, scripto, seu voce, loqui, contionari, tractare, disputare, contra ea quicquam determinando, aut afferendo, vel argumenta contra ea afferendo, & insolita relinquendo, aut alio quovis excogitabili modo differendo, ausi fuerint, prater poenas, & censuras in Constitutionibus Sixti IV. contentas, quibus illos subiacere volumus, & per presentes subiicimus, etiam concionandi, publicè legendi, seu docendi, & interpretandi facultate, ac voce activa, & passiva in quibuscumque electionibus eo ipso absque alia declaratione privatos esse volumus, necnon ad concionandum, publicè legendum, docendum, & interpretandum perpetua inhabilitatis poenas ipso facto incurre absque alia declaratione, à quibus poenis non nisi à Nobis ipsis, vel à successoribus nostris Romanis Pontificibus absolvi, aut super ijs dispersari possint: necnon eisdem alijs poenis nostro, & eorumdem Romanorum Pontificum successorum nostrorum arbitrio infligendis pariter subiacere volumus, prout subiicimus per presentes, innovantes Pauli V. & Gregorij XV. superiorius memoratas Constitutiones, sive Decreta. AC LIBROS in quibus prefata sententia, festum, seu cultus secundum illam in dubium revocatur, aut contra ea quomodocumque, ut supra, aliquid scribitur, aut legitur, seu locutiones, contiones, tractatus, & disputationes contra eadem continentur, post Pauli V. supra laudatum Decretum edita, aut in posterum quomodolibet edenda, prohibemus, sub poenis, & censuris in Indice librorum prohibitorum contentis, & ipso facto absque alia declaratione pro expresse prohibitis haberi volumus, & mandamus. Veramus autem Sixti IV. Constitutionibus inherentes, quempiam afferere, quod propter hoc contrariam opinionem tenentes, videlicet gloriosam Virginem Mariam cum originali peccato fuisse conceptam, heresis crimen, aut mortale peccatum incurvant, cum à Romana Ecclesia, & ab Apostolica Sede nondum furit hoc decisum, prout Nos nunc minimè decidere volumus, aut intendimus: quin potius contrariam illam opinionem heresis, aut peccati mortalitatis, aut impieatis damnare audentes, prater poenas, quibus eos subiecit Sextus IV. aliquae praedecessores nostri Romani Pontifices, gravioribus alijs poenis subiicimus, quas in cōtrafacentes huic nostrae Constitutioni superiorius infliximus. Volentes quod contra huius nostrae Constitutionis transgressores, etiam regulares cuiusvis Ordinis, & Instituti, ETIAM Societatis Iesu, & quomodolibet exemptos, & alias quacumque Ecclesiasticas, & seculares personas cuiuscumque status, gradus, ordinis, aut dignitatis tam Ecclesiasticae, quam secularis, ut prefertur, tam Episcopi, & Prælati superiores, aliquae locorum Ordinarij, quam hereticæ pravitatis vbi que locorum deputati Inquisitores procedant, & inquirant, atque in eos strictè animadvertiscant: Nos enim ijs, & eorum cuilibet contra eisdem transgressores procedendi, & inquirendi, ac poenis coercendi, & puniendi liberam facultatem, & auctoritatem ijsdem auctoritate, & tenore tribuimus, & impartimur, eosque, ut prefertur, procedere, inquirere, & punire districte præcipimus, & mandamus. Non obstantibus Constitutionibus, & ordinationibus, ac quibusvis indultis, & litteris Apostolicis quibusvis personis quantumcumque qualificatis, & in quacumque, etiam Cardinalatus, Patriarchali, Archiepiscopali, Episcopali, & quavis alia dignitate, & honore constitutis, etiam quod contra eos procedi, inter-

terdici, suspendi, vel excommunicari nequeat quomodolibet concessis. Quibus omnibus, & eorum singulis, etiam si pro sufficienti illorum derogatione de eis, ipsorumque totis tenoribus specialis, specifica, individua & expressa, ac de verbo ad verbum, non autem per generales, etiam id importantes, clausulas, mentione habenda, aut alia exquisita forma observanda foret, tenores huiusmodi, ac si de verbo ad verbum inserti forent, presentibus pro sufficienter expressis, & insertis habentes, harum serie specialiter, & expressè derogamus, ceterisque contrarijs quibuscumque. Ut autem haec nostra Constitutio, & præmissa omnia ad eorum omnium, quorum interest notitiam congruentius pervenire possint, in virtute sanctæ obedientiaz, & sub pena privationis ab ingressu Ecclesiaz eo ipso incurrienda præcipimus, & mandamus omnibus, & singulis locorum Ordinarijs, ac eorum Vicarijs, Suffraganeis, & Officialibus quibuscumque, & alijs singulis, ad quos quomodolibet spectat, & pertinet, quatenus huiusmodi nostram Constitutionem singulis sua Dicecisis, vel districtus præparatoribus, & alijs, quibus expedire iudicaverint, opportunè insinuant, & publicent, ac insinuant, & publicari faciant, ne quis in posterum quoquo modo ignorantiam de præmissis posset prætenderet, aut se contra præmissas valeat excusare. Volumus, & similiter eadem auctoritate decernimus, & mandamus, quod præfentes litteræ per aliquos ex nostris Cursoribus in Basilicarum Sancti Ioannis Lateranensis, ac Principis Apostolorum, & Chancellaria Apostolicae valuis, ac in acie Campi Floræ de Urbe de more publicentur, & atfigantur; quæ affixio & publicatio ita omnes & singulos, ad quos spectet, afficiat, & erctet, ac si illis personaliter intimata fuissent; & quod illarum transumptis, etiam impressis, manu alicuius Notarij subscriptis, & sigillo alicuius personæ in dignitate Ecclesiastica constituta munitis eadem prorsus fides adhibeat, quæ præsentibus litteris adhibetur si ostensæ, vel exhibitæ forent. Dat. Romæ apud Sanctam Mariam Maiorem sub annulo Piscatoris die viij. Decembris M.DC.LXI. Pontificatus nostri anno septimo.

S. Vgolinius.

Anno millesimo sexcentesimo sexagesimo primo, indictione 13. die vero 11. mensis Decembris, Pontificatus Sanctiss. in Christo Patris, & D.N.D. Alexandri Divina Providentia Papæ Septimi, anno septimo, suprascriptæ litteræ affixæ, & publicatae fuerunt in Basilicarum S.Io. Lateranensis, & Principis Apostolorum de Urbe, ac Chancellaria Apostolicae valuis, & in acie Campi Floræ, ut moris est, per me Andreæ Castruccium prælibati Sanctiss. D.N.P.P. Curs.

Pro D.Mag.Curf.Petrus Paulus Desiderius Curs.

ROMÆ, Ex Typographia Rev. Cameræ Apostolicæ.  
M.DC.LXI.